

全華叢書



全華策書



詩集傳名物鈔卷第二

元許謙撰

郡後學胡鳳丹月樵校梓

邶一之三

變一

程子諸侯擅相侵伐衛首并邶鄘之地故爲變風之首

傳分自紂城朝歌而北謂之邶南謂之鄘東謂之衛此從鄭譜說也疏謂此無文驗其水土之名知之傳又謂邶鄘不詳始封今案史記武王克商封紂子祿父殷之餘民漢地理

志河內本殷之舊都周既滅殷分其畿內爲
三國邶鄘衛是也邶以封武庚詩傳既云自
朝歌分爲三則武庚之國似無處所參以地
志之說則若可通但又以鄘衛爲管蔡之所
尹則恐非事實也

傳○邶蒲對反鄘音容行戶剛反○殷王武乙二
祀自亳遷都朝歌歷太丁帝乙而至紂○漕音

曹墟丘於反澶時連反相息亮反濮博木反

柏舟邶一莊姜不見答 異

經

一章言柏舟則宜以載物乃汎汎於水中而
無所用以此喻己故耿耿而憂思至於不能
寐如有所隱痛之憂非無酒以自樂然此憂
非酒之所能遣也二章承上言鑒明則可度
物我心憂煩不能度物不知何以處此歸而
而告諸兄弟聊以舒此憤爾而又逢彼之怒
是兄弟亦不可據憑而終莫知所以自處也
三章於是自反平昔我心貞固過於石而不

可轉我心平直過於席而不可卷威儀動止
之間皆無一失而不必選而不見答於君子
豈我之過哉石不可轉是其貞潔自守之操
堅席不可卷是其公平逮下之心溥也四章
謂我之憂者自揆無過正以見怒諸妄讒譖
而致然默而思之無可奈何惟拊心而已卒
章再言上下失序所以憂不能解但恨不能
飛去爾憂之極止曰不能奮飛可謂正而不
深怨矣

歸下多一而字

傳○一章汎芳劍反紐音今易孚梵反○語錄問
汎彼柏舟亦汎其流注作比義看來與睢鳩在
河洲無異彼何以爲興曰他下面便說淑女見
得是因彼興此此詩纔說柏舟下面更無貼意
見得其義是比○緻直利反密也

此詩舊說男子作朱子以爲婦人詩蓋觀其
辭氣而得之以卑順柔弱四言舉一篇大旨
此讀詩凡例也讀詩者每於一篇吟哦上下
優游涵泳以意隨之而求詩人志之所在庶

不負朱子之教也

二章度待洛反○四章標符小反類隔切今易
並小反○卒章垢舉后反憤古對反心亂也眊
莫冒反目不明貌

序○頃去營反○傳強其兩反定丁佞反傳音附
謚神至反斷都亂反冠古玩反○史記康叔之
子康伯六世皆書伯至頃侯厚賂周夷王王命
爲衛侯索隱曰康誥命爾侯于東土又云孟侯
則康叔已爲侯也子康伯卽稱伯謂方伯耳非

降爵也頃侯德衰不監諸侯乃從本爵非賂王而稱侯也○諡法甄心動懼曰頃甄之人反積也衒音眩扼於革反懟徒對直類二反怨也

綠衣

邶

二莊姜歎失位

經○疏一章以表裏興幽顯二章以上下喻尊卑○詩緝綠衣黃裏言掩蔽而已綠衣黃裳則貴賤倒置夫人失位矣○詩緝綠兮衣兮不可但言是綠色之衣當玩味兩兮字詩有黃鳥白華不言兮唯此曰綠兮衣兮蓋綠字衣字皆有意

義緣以喻妾衣以喻上僭故以二兮字點掇而
丁寧之

三章緣之所以成緣而爲衣者人以絲染治
而成也妾之所以上僭者以君子嬖之而然
也上緣字已包前章衣字在內

語錄我思古人實獲我心言古人所爲恰與我
相合只此便是至善前乎千百世之已往後乎
千百世之未來只是此箇道理孟子所謂得志
行乎中國若合符節政謂是爾

首章言已爲賤者所掩蔽次章則貴賤易位
矣然此但就妾身而言三章則言妾僭之由
皆在於君子末章則深達乎事逐時變物隨
氣遷理勢之常無足怪者尙何憂悴之有蓋
絺綌夏服也今風而淒其則固宜屏之不服
有如扇捐篋中之言而又絕無彼留戀恩情
之意故三章之思古人尙欲得處此之道而
效之末章之思古人反謂之獲我心是在我
者處之素定而古人善處此者反得我心之

所同然者耳至此豈有一毫怨懟不平之氣哉此莊姜所以爲賢也

傳○一章綠東方之閒色謂蒼與黃二色相閒雜而成綠○題下春秋隱公三年左氏傳衛莊公娶于齊東宮得臣之妹曰莊姜美而無子又嬖於妾而生州吁莊從夫諡姜姓也

燕燕

邶三

莊姜送戴嬀

經○一章泣無聲出涕也涕土禮反目汁也

傳○一章鳬鳥拔反○之子于歸他詩皆言嫁歸

之歸惟此詩謂歸父母之家故曰大歸大歸者
不反之辭○左氏傳莊公又娶于陳曰厲嬀生
孝伯早死其娣戴嬀生完莊姜以爲己子公卒
完立是爲桓公隱公四年州吁弑桓公故戴嬀
大歸于陳厲戴皆諡嬀陳姓也嬀居爲反

三章上音時掌反而下字無音案字書元在
物下之下則上聲自上而下之下則去聲凡
與自下而上之上對義者皆當作去聲讀後
同

日月

四邨

莊姜不見答

在燕燕前

經○卒章畜許六反

四胡能有定期之之辭也謂令其心回惑何時而能定乎此莊姜忠厚之意也朱子說是已然之辭

終風

五邨

莊姜

在燕燕前

經

莊姜賢夫人也所思者大矣國君及夫人父母一國而國人作則者也莊公爲君人儀度

其曰終風曰暴曰霾暄陰雷曰譁浪笑傲爲
君如此果足以正一國乎夫人賢而不見答
果足以示人齊家之道乎國君之家不齊則
一國之家不齊一國之家不齊則國殆矣夫
人之中是悼悠悠之思寤而不寐願言而
嚏而懷所思者大矣非情欲之謂也儻莊姜
爲思情欲之人則譁浪笑傲而必喜陰暄虺
雷而必怒矣○顧我則笑是不禮其夫人而
不能相敬如賓可見

傳○一章疏日出而風爲暴又曰陰雨不興而大

風暴起○二章霾亡皆反類隔切今易謨皆反

○雨王遇反霽謨逢蒙弄二反○疏風而雨土

爲霾又曰大風揚塵土從上下也○三章詩記

陰風終日意其止矣不旋日而又暄焉厭苦之

辭也○軌巨尤反病寒鼻塞也

擊鼓

邶

從軍者怨州吁

經○李氏州吁安於用兵踴躍欣喜不自勝也○

漕音曹○詩記從孫子仲平陳與宋言所從者

乃孫子仲也輕其帥可知本章承上章而足成其義

傳○兵行馬下本不須叶欲從上句鏜處而叶也然詩中第一句無韻者甚多末章闕活正不須叶信字當正作師人切恐非叶或本誤爾○一章通典滑州白馬縣衛國曹邑戴公廬于曹卽此○鋒音峯兵耑也鏜音滴矢鋒也○二章左氏傳隱公元年鄭共叔之子滑奔衛衛人爲之伐鄭取廩延鄭人以王師虢師伐衛南鄙二年